

釋氏稽古略

四



齊以竟陵王子良為護國將軍兼司徒領兵置佐鎮西州子良清尚傾意賓客才儁之士篤重佛氏每招致僧侶講論佛法尊法之盛江左未之有也親為衆僧賦食行水濟請

乙丑 永明三年

魏 太和九年

丙寅 永明四年

太和十年

丁卯 永明五年

太和十一年

戊辰 永明六年

太和十二年

己巳 永明七年

太和十三年

庚午 永明八年

太和十四年

辛未 永明九年

太和十五年

文明馮太后崩帝依古禮服喪三年

壬申 永明十年

太和十六年

卷之三

魏帝命群臣議行次中書監高閭議以為帝王莫不以中原為正統不以世數為與奪善惡為是非故桀紂至虐不廢夏商之歷厲惠至昏無害周晉之錄晉承魏為金趙承晉為水燕承趙為木秦承燕為火秦之既亡魏乃稱制玄朔且魏之得姓出於軒轅臣愚以為宜為土德祕書丞李彪著作郎崔光等議以為神元與晉武往來通好至于相穆志輔晉室是則司馬祚終於邾鄆而拓跋受命於雲代昔秦并天下漢猶比之共工卒繼周為火德况劉石符氏地褊世促魏承其弊豈可捨晉而為土邪司空穆亮等皆請從彪等議於是詔承

水德晉為水德丙子年魏太和二十年詔以為北人謂土為拓后為跋魏之先出於黃帝以上德王故為拓跋氏夫土者黃中之色萬物之元也宜改姓元氏諸功臣舊族自代來者姓或重複皆改之於是始改

元氏 拔拔氏為長孫氏達奚氏為奚氏乙旃氏為叔孫氏丘穆陵氏為穆氏步六孤氏為陸氏賀賴氏為賀氏獨孤氏為劉氏賀樓氏為樓氏勿忸于氏為于氏尉遲氏為尉氏其餘所改不可勝紀至西魏恭帝廓去年號但稱元年復姓拓跋氏九九十九姓改為單者皆復其舊甲戌年魏帝南過比干墓祭以太牢自為文曰嗚呼介土胡不我臣



庚辰

齊永元二年

十二月 帝遇害

魏世宗宣武帝恪孝文第二子立

景明元年

是時崔慧景據廣陵反荆州刺史蕭懿舉兵入援擊斬慧景以懿為尚書令嬖臣茹法珍等憚懿威權譖懿十月賜懿死懿曰家弟在雍深為朝廷憂之蕭衍刺雍州在襄陽聞兄懿死即日建牙集眾帝使蕭穎胄討之穎胄乃與衍合次年辛巳三月奉南康王即皇帝位于江陵改元中興加蕭衍征東大將軍都督征討諸軍事假黃鉞直抵建康十二月帝遇害衍以宣德太后令廢為東昏侯

和帝

諱寶融明帝第八子封南康王出刺荆州辛巳年春三月即皇帝位壬午年春正月詔進大司馬蕭衍位相國總百揆揚州牧封十

郡為梁公備九錫二月進爵為王帝東歸至姑孰平路下詔禪位于梁王即皇帝位奉帝為巴陵王尋殺之在位一年壽十六歲

辛巳

中興元年

帝三月即位明年二月禪于梁

魏景明二年

右齊七主合二十三年禪于梁

梁

蕭姓都建康

高祖武帝敬帝

太宗簡文帝四主

世祖元帝

高祖武帝

諱衍字叔陵蘭陵人仕齊封梁王受齊禪在位四十八年壽八十六

天監八年並日通之大通二中大通六大同十中大同一太清三

壬午

天監元年

二月詔寶公太子關下魏

景明三年

癸未

天監二年

景明四年

雲光建康法雲寺雲光法師允講經天雨華如雪片帝於舍光殿焚疏請法師雲光誌公翌日齋誌公至焉帝詔曰大士寶誌迹拘塵垢神遊冥寂誌公水火不能焦濡蛇虎不能侵懼語其佛理則聲聞以上談其隱淪則道士道仙高者豈可以俗法常情空相疑忌自今中外任便宣化聖感傳

慈悲懺法

梁帝初為雍州刺史時夫人郝氏性酷妬既亡至是化為巨蟒入後宮通夢于帝求拯拔帝閱佛經為製慈悲道場

懺法十卷請僧懺禮夫人化為天人空中謝帝而去其懺法行于世曰梁皇懺

甲申

天監三年

正始元年

懺悔梁帝四月八日率道俗陞重雲殿披露懺悔親製願文奉佛奉佛三寶於本第立光宅寺鑄金銅佛大像表

乙酉

梁 天監四年

魏

正始二年

○金山水陸大齋

初梁帝夢僧告之曰六道四生受大苦惱何不為作水陸大齋而救拔之帝扣諸沙門寶誌公曰尋經必

有因緣帝取佛經躬自披覽創造儀文三年乃成於夜捧文停燭白佛曰若此文理協聖凡願拜起時此燈自明或儀式未詳燈暗如故言訖投地一禮燈燭皆明至是二月十五日於今鎮江金山寺依儀修設帝臨地席詔祐律師宣文利洽幽明至今遵行焉見華江又集

丙戌

天監五年

梁太子統生五歲能遍誦五經

正始三年

丁亥

天監六年

正始四年

鐘聲 梁帝假寶公神力見地獄苦相問何以止之寶公曰唯息苦聞鐘聲其苦暫息於是詔天下寺院擊鐘舒徐其聲紀本

戊子

天監七年

永平元年

己丑

天監八年

永平二年

六十

稽古二

三一四

善提 魏西竺沙門善提流支此云覺希詔居紫極殿譯論魏帝於式乾殿講維摩經時魏朝專尚釋氏洛陽中國沙門之外西域來者三千餘人帝別立永明寺房舍千餘間居之延昌時

九州郡佛寺一萬三千餘所僧至二百萬姓

名僧

唐寅

天監九年

帝敕沙門寶唱撰魏名僧傳八十一卷

永平三年

建寺

梁帝為太祖文皇帝鍾山建大愛敬寺供給千僧獻太后青溪西岸起大智度寺諸尼師四時講誦弘明錄

辛卯

天監十年

永平四年

旃檀 梁帝遣郝騫等往天竺國迎佛旃檀像其王模刻一像付騫是年至佛像建康帝迎奉太極殿建齋度僧大赦斷殺帝從是蔬食斷慾感通錄

壬辰

天監十一年

延昌元年

傅大士

齊明帝建武四年五月八日生婺州義烏縣雙林鄉傅宣慈家名翁字玄風號善慧至是壬辰十六歲娶劉氏有子二人

曰普建普成梁普通元年二十四沂水於稽亭塘下西域沙門嵩頭陀引之臨水觀影圓光寶蓋法從甚盛心感悟之遂於松山之頂

因雙桐樹剝庵而居名曰雙林自號雙林樹下當來解脫善慧大士  
種植蔬果為人傭作晝作夜歸與妻妙光敷演佛法苦行七年至大  
通二年弟子日眾大士欲導群品乃化妻子鬻身助設大會中大通  
六年大士遣弟子傅毗誦關奉書有詔赴闕閏十二月到建康帝聞  
大士神異預鎖諸門大士以木徒扣一門諸門悉啟直入善言殿帝  
問師事從誰答曰從無所從師無所師事無所事帝為設食竟止鍾  
山定林寺詔令資給大同五年大士再入都三月帝召見壽光殿共  
論真諦大士曰息而不滅帝又請講金剛經大士揮按一拍而起帝  
不喻再請講大士乃索檀版座唱四十九頌遂便去速今頌行于  
世大士一日頂冠披衲履帝問是借邪士以手指衲衣辭闕而還大同十年大  
士以手指履履帝曰是俗邪士以手指衲衣辭闕而還大同十年大  
士設大法會普為眾生懺滅罪苦速得解脫大士以佛經目繁多入  
藏或不能遍閱乃建大層羅中心立一柱塔八面而實諸經謂之輪藏  
立願曰登吾藏門者生生世世不失人身發菩提心若能推輪藏即  
與持誦諸經功德無異今之輪藏設大士像如此也大士於陳宣帝  
大建元年四月告普建普成二法師等曰我從第四天來為度眾生  
汝等慎護三業精勤六度行懺悔法免墮三塗至二十四日入于涅  
槃壽七十三闍維收舍利頂骨葬雙林今成大道場大士偈語並行

稽古二

心王 于世嘗著心王銘其辭曰觀心空王玄妙難測無名無相有大神力  
能滅千災成就萬德體性雖空能施法則觀之無形呼之有聲為大  
法將心戒傳經水中鹽味色裏膠青決定是有不見其形心王亦爾  
身內居停而門出入應物隨情自在無礙所作皆成了本識心識心  
見佛是心是佛是佛是心心念念佛心佛心心念佛欲得早成戒心自往  
淨律淨心心即是佛除此心王更無別佛欲求成佛莫染一物心性  
雖空貪瞋瞋實入此法門端坐成佛到彼岸已得波羅蜜慕道真士  
自觀自心知佛在內不向外尋即心即佛即佛即心心明識佛曉了  
識心離心非佛離佛非心非佛莫測無所堪任執空滯寂于此漂沉  
諸佛菩薩了此安心明心大士悟此玄音身心性妙用無能改是故  
智者放心自在莫言心王空無體性能使色身作邪作正非有非無  
隱顯不定心性雖空能凡能聖是故相勸好生防慎剎那造作還復  
漂沉清淨心智如世黃金般若法藏盡在身心無為法  
寶非淺非深諸佛菩薩了此本心有緣過者非去來今

癸巳

梁 天監十二年

魏

延昌二年

甲午

天監十三年

延昌三年

乙未 天監十四年

魏延昌四年正月帝崩太子詔立年  
六歲尊母胡氏為皇太后臨朝

誦經延壽

梁釋智嚴法師初遊建康帝召見深加敬禮帝為寶誌大士建塔寺曰開善教嚴居焉遇異人曰師壽止三十一歲

誦金藏乃竭精脩道專誦金剛般若波羅密經至厄之年俄空中曰承般副經若力得倍壽矣果然壽終六十二歲勅葬獨龍山寶公寺之左由是

江左道俗皆持誦  
金剛般若經

丙申 天監十五年

魏肅宗孝明帝詔宣武第二子  
熙平元年

魏世宗宣武帝作瑤光寺未就是歲胡太后建永寧寺皆在宮側又作石窟寺於伊闕口金像高丈六尺者一如中人者十五像二為九

寺 曾浮圖高九十丈上剝復高十丈靜夜鈴鐸聲  
塔 闕十里自佛法入中國塔廟之盛未之有也

石像

梁越州隱岳寺十丈石佛像初齊明帝建武中僧護造成面模而亡次有僧淑襲其未成至是建安王捨金委僧祐成之師佛

丁酉 天監十六年

熙平二年

六十一

卷一百一

三十一

佛名

梁帝敕法師僧紹撰衆經目錄四卷敕沙門寶唱撰比丘尼傳四卷又撰衆經佛名三卷

歲

梁三月帝敕織官文錦不得為僊人鳥獸之形裁剪有乖仁恕

素饌

四月梁武皇帝詔以宗廟用牲牢有累冥道宜皆以麪為之八座朝議以大脯代一元大武十月詔以宗廟猶用脯脩更議代

之於是以大餅代大脯。今之茹素辦脯其餘盡用蔬果。食者本此也。

戊戌 天監十七年

神龜元年

弘明集

梁沙門僧祐律師自齊初大弘律法至是帝深加禮敬祐年衰脚疾勅有輿入內殿為六宮受戒五月二十六日入恆壽

六宮 七十四歲師有三歲記法苑記世界受戒 記釋迦譜弘明集等並行于世 鳩僧

己亥 天監十八年

神龜二年

慧約法師別號

梁帝曰道資人弘理無虛授事藉躬親民信乃立慧約法師德高人世道被幽冥四月八日延師於等覺



別號

敎受菩薩戒復設無遮大會帝自受戒後日唯一食食止蔬菜寢殿所淨如沙門帝普通四年制中外母斥法師慧約名別號智者沙門別號自法師始帝大同元年九月六日智者慧約國師入滅壽八十四夏六十三帝素服臨喪哭之輟朝一七日其月二十九日詔葬獨龍山誌公墓左從師得戒者四萬八千人服緦麻哭送葬所帝大同二年勅改法師所居竹山里為智者里

高僧傳

梁帝勅御史裴子野撰名僧傳二十卷會稽釋惠皎著高僧傳十四卷始漢永平終于是歲凡四百五十餘載二百五十

七人附見者二百餘人入大藏流行

建寺

魏胡太后令諸州各建五級浮圖諸王貴宦各建寺於洛陽太后勤設齋施

庚子 普通元年

魏 正光元年

魏帝加元服命沙門曇無寂道士姜斌講道於禁中

888

西天二十八祖東土初祖菩提達磨尊者

南天竺國香至王第三子姓刹帝利本名菩提多羅

稽古二

三十七

二十七祖般若多羅至其國受其父王供養得所施珠試其所言相謂之曰汝於諸法已得通量夫達磨者通大之義也宜名菩提達磨且止南天待吾滅後六十七載當往震旦棘土設大法藥獲菩提者不可勝數磨於是恭稟教義服勤左右垂四十年殆祖順世演化本國時有二師一名佛大先二名佛大勝多俱同學於佛陀跋陀小乘禪觀佛大先既遇般若多羅尊者捨小趣大與達磨並化號二甘露門而佛大勝多更分徒為六宗一曰有相宗二曰無相宗三曰定慧宗四曰戒行宗五曰無得宗六曰寂靜宗各封己解別展化源達磨嘆彼六宗纏於邪見一一詣彼開化之六眾開悟咸誓皈依時國王名異見磨之姪也初信外道達磨化之歸正既而念震旦緣熟行化時至辭於姪王王為具大舟實以珍寶汎重溟三週寒暑達于南海當此梁普通元年九月二十一日也

禮表聞武帝覽奏遣使迎請次年十月一日至建康帝問曰朕即位以來造寺寫經度僧不可勝紀有何功德祖曰淨智妙圓體自空寂帝曰隨形雖有非實帝曰如何是真功德祖曰淨智妙圓體自空寂帝曰如何是聖諦第一義祖曰廓然無聖帝曰對朕者誰祖曰不識帝不領悟祖知機不契是月十九日潛之江北十一月二十三日宿洛陽

三語

嘗觀孝明帝正光二年也寓止嵩山少林寺而壁而坐魏明帝三

起

之祖終不起就賜磨衲袈裟祖亦不受使三返帝強授之時有僧神

道

光者博覽群書善談玄理開祖住止乃往參承是年十二月九日夜

罪

天大雪光堅立庭中暹明積雪過膝祖憫之問曰父立雪中當求何

報

事光泣曰願和尚慈悲開甘露門廣度群品至於斷臂哀懇祖因以

一

易名曰慧可乃曰諸佛法印可得聞乎祖曰諸佛法印匪從人得

二

可曰我心未寧乞師安心祖曰將心來與汝安可良久曰覓心了不

九

可得祖曰我與汝安心竟久之祖為慧可等畧辯大乘入道四行其

六

辭曰夫入道多塗要而言之不出二種一理入二行入理入者謂藉

無所

教悟宗深信含生同一真性但為客塵妄想所覆不能顯了若捨妄

法行

歸真疑住壁觀無自無他九聖一等堅住不移更不隨於文教此即

四

與理冥符無有分別寂然無為各之理入行者有因一報究行二

報

隨緣行三無所求行四稱法行謂報究行者九修道人若受苦時當

二

念我從往昔無數劫中棄本逐末流浪諸有多起冤憎違害無限今

九

雖無犯是我宿殃惡業果熟非天非人所能見與甘心忍受都無怨

六

恨作是觀時與理相應休寃進道故名報究行隨緣行者眾生無我

法行

並緣業所轉苦樂齊受皆從緣生若得勝報榮譽等事皆是過去夙

卷古二

三十八

無所

道名隨緣行無所求行者世人長迷處處貪著智者悟真安心無為

法行

萬有皆空無所希冀三界久居猶如火宅有身皆苦誰得而安了達

四

此處息念無求故經云有求皆苦無求乃樂是則無求真為道行故

報

名無所求行解法行者性淨之理因之為法此理眾相斯空無染無

九

着無此無彼經云法無有我離我垢故智者信解此理應當稱法而

法行

行法體無慳於身命財行檀捨施心無慳惜達解三空不倚不着但

四

為無垢稱化眾生而不取相此為自行亦復利人莊嚴菩提之道檀

報

施既爾餘五亦然為除妄想脩行六度而無所行是名稱法行是後

法行

祖欲返西竺命門人曰時將至矣汝等盍各言所得時諸叅侍各陳

四

以正法眼付迦葉大士展轉囑累而至於我我今付汝汝當護持并

報

授汝袈裟以為法信各有所表宜可知矣可曰請師指陳祖曰內傳

九

法印以契證心外付袈裟以定宗旨慮後代之疑競指吾西天之人

法行

言汝此方之子憑何得法以何證之汝今受此衣法却後難生但出

四

此衣并吾法偈用以表明其化無礙至吾滅後二百年衣止不傳法

報

週沙界明道者多行道者少說理者多通理者少潛符密證千萬有

九

餘汝當闡揚勿輕未悟一念回機便同本得聽吾偈曰吾本來茲土

法行

傳法救迷情一花開五葉結果自然成楞伽經四卷者蓋如來極談

法要亦可以與世開示悟入今并付汝吾本離南印來此東土為法  
求人際會未諧如愚若訥今得汝傳授吾意已終乃與徒眾往禹門  
千聖寺止三日有期城太守楊銜之問祖曰西天五印師承為祖其  
道如何祖曰明佛心宗行解相應名之曰祖又問此外如何祖曰須  
明他心知其今古不厭有無於法無取不賢不愚無迷無悟若能是  
解故種為祖又曰弟子歸心三賢亦有年矣適聽師言罔知做指願  
師慈悲開示宗旨祖知慙到即說偈曰亦不親惡而生嫌亦不觀善  
而勤措亦不捨智而近愚亦不拋迷而就悟達大道考過量通佛心  
兮出度不與凡聖同躔超然名之曰祖銜之聞偈悲喜交并曰願師  
久住世間化導群有祖曰吾即逝矣不可久留銜之禮辭而去祖於  
是奄然長逝魏幼主劉與孝莊帝廢立之際當梁大通之二年十月  
五日也其年十二月二十八日葬洛陽嵩州之熊耳山起塔於定林  
寺魏遂以其喪告梁梁武帝即贈寶帛悉詔宗子諸王以祭禮而  
供養之太子為之文其畧曰洪惟聖胄大師荷十力之智印乘六通  
而泛海運悲智於梵方拯顛危於華上後三歲魏使宋雲者奉使西  
域回遇祖于葱嶺手携隻履存焉詔取遺履供養於少林寺梁武帝聞  
說之門人起壙空棺隻履存焉詔取遺履供養於少林寺梁武帝聞  
祖化跡親為製碑至唐代宗皇帝謚號圓覺大師塔曰空觀証宗

六九

釋古

三一九

辛丑

普通二年

九月齊建  
同泰寺

正光二年

帝造大覺  
寺於鄴都

壬寅

普通三年

魏

正光三年

行正  
光曆

西域

魏胡太后於丙申熙平元年遣宋雲偕此立惠生往西域求未至經  
自洛陽西行四千里至赤嶺乃出疆境又西行再越空乾羅國而還

得佛經一百七十部至此二月回達洛陽魏國通有  
佛經四百十五部合一千九百一十九卷

癸卯

普通四年

正光四年

甲辰

普通五年

正光五年

乙巳

普通六年

孝昌元年

丙午

普通七年

孝昌二年

梁昭明太子統朔惠義殿於東宮招天下名  
僧居之帝賜法師慧超為普光學士

丁未 大通元年

帝建同 恭寺成

魏 孝昌三年

孝昌四年三月帝遇弒改年曰永安

戊申 大通二年

魏 敬宗 孝莊帝子攸 永安元年

高歡

魏戊申年正月帝惡鄭儼徐紇等密詔爾朱榮舉兵內向榮以高歡為前鋒行至上黨帝復以私詔止之鄭儼徐紇恐禍及己謀醜帝

三月帝暴殂太后立皇女為帝復下詔稱實皇女改立故臨洮王寶暉世子劉始生三歲爾朱榮聞之大怒謂元天穆曰主上晏駕春秋十九海內猶謂之幼君以奉末言之兒以臨天下欲求治安可乎三月爾朱榮元天穆迎歸城宣武王之長樂王子攸於河橋即皇帝位是日敬宗改元永安榮遣爾朱覆姓其先契胡部落大人代騎害太后及幼王於河陰虓為酋帥居爾朱川因之以為姓也

己酉 梁 中大通元年 魏 永安二年 七月帝始入宮

勅

梁三月二十七日法雲法師遷寂壽六十三二宮悲慟勅給東園祕器凡百喪事皆從王府勅葬定林寺側立銘誌焉

設會行拾

梁九月帝幸同泰寺設四部無遮大會行清淨大捨群臣析白三寶奉表請帝還宮

稽古二

日一

庚戌 中大通二年

魏 十月立長廣王改建明元年 十二月爾朱兆害莊帝

魏孝莊帝既外逼於爾朱榮恒怏怏又戀河陰之難密有圖榮之意八月榮與元天穆入朝帝手刃之天穆俱死內外喜譟聲滿洛陽百僚入賀十月汾州刺史爾朱兆聞兄榮死自汾州帥騎據晉陽爾朱世隆兆共推太原太守長廣王暉即皇帝位改元建明十二月兆輕兵倍道兼行扣宮門執莊帝遷晉陽殺之虓

辛亥 中大通三年

四月太子統卒

魏 節閔帝恭 普泰元年 安定王朗 中興元年

魏二月廣陵王恭好學有志度關西大行臺薛孝通說爾朱世隆立之是時世隆鎮洛陽乃以長廣王之命禪位於廣陵王恭獻文帝之孫是日節閔帝改元普泰封長廣王暉為東海王高歡起兵討爾朱兆以兆弒孝莊也孫騰說歡曰今朝廷隔絕號令無所稟不權有所立則眾將沮散歡乃立渤海太守安定王元朗為帝即位於信都幹歡檄冀州地鳩改元中興以歡為侍中丞相都督中外諸軍事歡以安定王元朗疎遠乃使僕射魏蘭根慰諭洛陽觀節閔帝之為人欲復奉之蘭根以節閔神采高明於後恐難測因而與高乾兄弟及崔

悛共歡廢之歡遂幽節閔帝於崇訓佛寺更立孝莊孫廣平王之子平陽王脩是為孝武帝使安定王元朗作詔策而禪位歡酖節閔於門下省葬用殊禮並害元朗高歡信都驪紉人也初自魏孝明帝孝昌三年劉貴薦之於討虜大都督爾朱榮榮擢用之初葛榮部眾流入并頽者二十餘萬為契胡陵暴皆不聊生謀亂不止爾朱兆患之問計於高歡歡曰宜選王腹心使統之兆遂以其眾委歡歡以北醉言恐醒而悔之遂出宣言受委統鎮兵可集汾東受號令乃建牙陽曲川軍士素惡兆而樂屬歡莫不皆至及歡之討兆也永熙二年兆奔彰德路韓陵山投林中殺所乘白馬自縊於樹高歡親臨而厚葬之魏

壬子

中大通四年

魏

孝武帝脩史曰出帝永熙元年四月改元

癸丑

中大通五年

永熙二年

梁二月二十六日帝幸同泰寺講金剛經三七日設道俗無遮大會三十一萬九千六百四十二人議懺

甲寅

中大通六年

西魏永熙三年東魏孝靜帝天平元年

魏孝武帝永熙三年正月軍將軍王思政言於武帝曰高歡之心昭然可知洛陽非用武之地宜就宇文泰於長安帝深然之乃廣徵州郡兵東郡太守裴俠帥所部詣洛陽王思政問曰今權臣擅命王室日卑柰何俠曰宇文泰為三軍所推居百二之地所謂已操戈矛肯授人以柄雖欲投之恐無異避湯而入火也思政曰如何而可使曰圖歡有立至之憂西巡有將來之慮且至關右徐思其宜七月歡覺其變引兵渡河孝武遂帥南陽王寶炬清河王寶廣陽王湛殖深以五千騎西奔宇文泰備儀衛迎帝遂入長安高歡入洛陽舍於永寧寺十月魏丞相歡又奉表於孝武帝曰陛下若遠賜一制許還京洛臣當帥勒文武式清宮禁若逐正無日則七廟不可無主萬國須有所歸臣寧負陛下不負社稷帝亦不吝歡乃集百官耆老立清河王宣之子善見為帝孝文帝之曾孫也年十一即位於城東北改元天平遷都于鄴孝武都長安與僕射宇文泰有隙十二月飲酒遇鳩殂年二十五泰奉太宰南陽王寶炬即皇帝位諡元魏姓拓跋氏其祖本北狄鮮卑胡人也秦漢之前未嘗與中國通魏明帝景初年間始與之和親晉初有拓跋倚廬出居樓煩惠帝太安二年乃拓跋祿官之九年也拓跋居代郡嘗佐劉琨拒石勒晉封之為代王世有代北及部落分散經六十餘年至東晉時秦

主苻堅伐代拾翼健健為子寔所弑寔亦卒其孫珪走依獨孤部是  
曰廬孫東晉武帝太元元年廬孫拾翼涉珪魏書云珪即太祖道武  
皇帝也出據朔州東三百里築城邑號恒安為秦護軍故羈厲苻秦  
晉太元八年十一月苻堅敗於晉太元十一年春正月珪乃大會部  
落宗族於牛川即代王位年曰登國元年徙居定襄之盛樂戴鞬  
各州之郡務農息民國人悅之珪尋改稱魏王丙申晉太元二十一  
年珪始建天子旌旗出警入蹕改年曰皇始戊戌年遷都平城於  
秋鞬地鄒銘驥始營宮室建宗廟立社稷歲五祭宗廟用分至  
及臘也十二月珪即皇帝位改年曰天興命朝野皆束髮加帽追尊  
遠祖毛以下二十七人皆為皇帝始依倣古制定郊廟朝饗禮樂置  
五經博士增國子太學生員合三千人已酉年十月珪為賀蘭氏夫  
人所生子清河王紹所弑珪歷位二十四年壽三十九歲珪長子嗣  
殺紹而立明元帝也泰常八年拔洛陽充豫皆平是時天下唯二國  
謂之南北朝柔然寇魏邊魏築長城自赤城西至五原延袤二千里  
備置戍卒以備柔然五月明元還平城十一月殂在位十五年壽三  
十二太子世祖太武帝燾立毀殘釋教在位二十九年壽三十五年皇  
孫高宗文成帝濬立詔復釋氏之教尊敬之在位十三年壽二十六  
長子顯祖獻文帝弘立在位五年遜位于子宏群臣上尊號曰太上

卷一百一

皇帝總軍國大事高祖孝文帝宏即位年五歲在位二十九年遷都  
洛陽去胡衣冠絕虜語尊華風初服袞冕朝饗定戶籍制五等公服  
起明堂辟雍太和十五年馮太后崩孝文依古禮服喪三年太和十  
六年命群臣議行次承晉為水德太和二十年詔謂土者黃中之色  
萬物之元改姓元氏壽二十三歲第二子世宗宣武帝恪立在位十  
六年壽三十三宣武第二子肅宗孝明帝詡立在位十二年壽十九  
敬宗孝莊帝立在位三年壽二十四節閔帝恭平安定王元  
朗立二俱被害孝武帝脩避高歡西奔長安自是西東分理

右元魏十二主一百四十九年分曰西東

西三主二十二年禪于周  
東一主十七年禪于北齊

魏譯佛經師十九人出經律論四百十九部凡一千九百餘卷僧至  
二百萬國家大寺四十七所三公等寺八百四十所百姓所造寺院  
三萬一千  
所撰書數

○柔然者夷狄國名姓郁久閭氏始元魏神元之末掠騎得一奴髮始  
齊眉忘本姓名其主字之曰木骨閭木骨閭者首秃也木骨閭與郁  
久閭聲相近得以為氏木骨閭在代倚廬時坐後期當斬亡匿廣漢  
谿谷間有衆百餘人至其子車鹿會雄健始有部眾自號柔然魏太

武帝燬以其無知狀類於蟲故改其號蠕蠕虵

乙卯 梁 大同元年

西魏文帝寶炬東魏大統元年 天平二年

西魏文帝造般若寺帝每運慈悲常行信施拯溺扶老供給病僧口誦法華身持淨戒丞相宇文泰與隆釋典講摩訶衍命釋曇顯撰衆撰衆經要二十二卷西魏進丞相經要及一百二十門正。泰為安定公

丙辰 大同二年 大統二年 天平三年

梁通事舍人劉勰表求出家帝嘉之賜僧法名曰慧地南。○東魏以定州刺史侯景兼尚書右僕射南道行臺督諸將侵建康

丁巳 大同三年 大統三年 天平四年

高王觀世音經東魏定州民孫敬德者事觀世音菩薩甚虔後為賊橫引妄伏承罪夜夢僧教誦救苦觀音經敬德誦之有司行刑力三斫而刀三折監司具狀聞丞相高歡歡審扣其故為表請免其死孫還家所奉觀音像項三刀痕因之稱高王經也應

卷之二

四三

戊午 大同四年 帝改造長干寺大統四年佛寺三萬寺設無礙大齋餘區傳尼二百萬北 大象元年

己未 大同五年 西魏 大統五年 東魏 興和元年

西魏沙門道璠博通經義文帝尊之為師傅長安立大興寺居璠為魏國大統大立科條由是佛教再興帝後起大乘陟岵二寺璠入滅帝哀之廢朝其喪事所資並出天府北

庚申 大同六年 大統六年 興和二年詔鄴城舊宮為天平寺

辛酉 大同七年 大統七年 興和三年昆目智儂譯經於鄴郡

壬戌 大同八年 大統八年 興和四年

癸亥 大同九年 大統九年 武定元年 梁黃門侍郎顧野王撰玉篇成

甲子 大同十年 大統十年 武定二年

乙丑 梁 大同十一年

西魏 大統十一年 東魏 武定三年

西魏丞相宇文泰長安立追遠陟祀大乘魏國安定中興六寺度一千僧又造天保寺供養瑋法師安州造壽山梵雲二寺造大福田寺供養寶國師墓所造福田寺為大可汗大伊尼造突厥寺

丙寅 中大同元年三月帝幸同泰寺講三慧經夏四月止大赦改元 大統十二年 武定四年

梁 帝自天監中事佛長齋不聽音樂造先宅同泰等五寺常供千僧帝作淨業賦其序云朕不敢魚肉不與嬪侍同處四十餘年矣既

淨業不食衆生無復殺害障既不御內無復欲惡障除此二障意識稍明乃作淨業賦今畧其辭曰觀人生之天性抱妙氣而清靜感外物以

動欲心攀緣而成情過常發於外塵累必由於前境懷貪心而不厭縱內意而自騁耳流連於絲竹眼轉移於五色香氣醇起觸鼻發識

舌之受味甘口取食身之受觸以自安怡細腰纖手弱骨豐肌附身芳潔觸體如脂狂心迷惑倒懸自欺如是六塵同障善道方紫奪朱

如風靡草抱惑而生與之偕老隨逐無明莫非煩惱由是外清眼境內淨心塵與德相隨與道為鄰見淨業之可愛以不殺而為因離欲

稽一口一

四一四

惡而自修故無障於精神患累已除障礙亦淨如久澄水如新磨鏡外照內像內見衆病既除客塵反還自性心清若水志潔如雪結縛既除憂畏亦滅與恩愛而長違顧生死而永別

丁卯 太清元年

西魏 大統十三年 東魏 武定五年

高歡正月東魏勃海馱武王高歡卒世子澄嗣位侯景與高氏有隙叛歸西魏西魏以景為太傅景又遣丁和奉表歸梁梁帝納景以景為大

將軍封河南王太清二年二月東魏大將軍高澄求通好於梁由是侯景有疑乃反梁帝以臨賀王正德為平北將軍都督京師諸

軍事屯丹陽郡正德密以數十大艘濟景正德守宣陽門帥衆迎景至關下正德即皇帝位改元正平大赦太清三年正平元年京師城

梁武帝 帝崩 隋侯景入見武帝縱兵掠乘輿服御更以臨賀王正德為侍中大司馬五月丙辰梁武帝崩壽八十六歲侯景秘不發喪殿外文武皆

莫之知幸已始發喪升梓宮太極殿是日侯景迎太子綱即帝位六月臨賀王正德怨侯景賁已寫書召鄱陽王範使以兵入景遮得其

書繼殺正德八月東魏勃海文襄王高澄為讎奴蘭京所弑弟太原公高洋討賊殺之十二月始與太守陳霸先結郡中豪傑討侯景郡



人侯安都張惲等各率眾千餘人歸之遣使間道請江陵受湘東王繹節度

戊辰 梁 太清二年

西魏 大統十四年 東魏 武定六年

已巳 太清三年 五月 帝崩

大統十五年 武定七年

太宗簡文帝

諱綱高祖武帝第三子。大寶 在位二年壽四十九歲。

庚午 大寶元年

大統十六年 北齊高氏受禪 天保元年

北齊

正月東魏進太原公高洋位丞相齊郡王五月進齊王位相國總百揆備九錫侍中張亮等諷帝禪位于齊王洋帝出雲龍門遣太尉彭城王韶等奉璽綬齊王即帝位于南郊改元天保封魏帝為中山王十二月鴆之諡曰魏孝靜帝

歡高祖神武皇帝 歡州人 歡初事爾朱榮榮弟兆委歡軍事封至勃海王五十一歲殂追諡兄澄神武世宗文襄皇帝 顯祖文宣皇帝 洋神武至是受東魏禪建國曰齊改元天保都鄴 高祖在位十年壽三十一歲太子劼立廢帝也壽十七歲肅宗孝昭帝演神武以

稽古二

四十五

廢帝乾明元年改皇建皇建二年演獵墜馬絕肋殂壽二十七歲世祖武成帝湛神武弟立以皇建二年十月改太寧在位四年禪位于

太子自稱太上皇殂神武弟立以皇建二年十月改太寧在位四年禪位于周師追擒之并太后幼主恒送長安封緯温公五主合二十八年

辛未 大寶二年

世尊入滅得 大統十七年三月 天保二年 帝殂太子欽立

梁三月侯景逼帝禪位豫章王棟改元天正廢帝為晉安王九月殺之梓加棟加侯景備九錫漢國置丞相以下官棟禪位于景景即皇帝位于南郊還登太極殿改年曰太始 紹壬申年正月梁湘東王繹命王僧辯等東擊侯景二月諸軍發潯陽陳霸先帥甲騎十萬舟艦二千自南江出湓口會僧辯於白茅灣築壇歃血為盟景遣侯子鑿以兵拒西師合戰中江子鑿大敗僅以身免收散卒走還建康景大懼涕下覆面僧辯督諸軍乘潮入淮進軍招提寺北侯景帥眾陳於西州之西陳霸先王琳杜龕等以鐵騎乘之僧辯以大兵繼進景兵大潰與百餘騎東走僧辯等迎簡文梓宮升朝堂帥百官哭踊如禮命侯瑱列向等追景及於松江瑱進擊敗之景單舸走為其小妻兒羊躡所殺以鹽納景腹中送尸建康僧辯傳首江陵集之於市三日煮而滌之乃以付武庫十一月帝即位

世祖孝元皇帝

繹武帝第七子封湘東王為荆州刺史以高祖崩捨

月即皇帝位於江陵

○承聖三年

在位三年壽四十七

西魏廢帝欽

北齊天保三年

○三月益州刺史武陵王紀在蜀十七年聞侯景陷臺城湘東王繹討

之謂僚佐曰七官文士豈能匡濟適紀內寢柏殿柱繞節生華以為

獲瑞四月即皇帝位改元天正以子圓照為皇太子承聖二年三月

元帝聞紀來以書請魏代蜀紀聞有魏兵遣前梁州刺史譙淹還軍

救蜀七月紀自峽口不獲還復順流東下梁遊擊將軍樊猛追擊斬

紀及其幼子圓滿圓照王下廷尉獄死八月圓肅以成都降魏

○北齊詔僧稠禪師至京齊主洋郊迎扶接入內稠年過七十神宇清

曠齊主拜受禪道從受菩薩戒法斷酒禁肉放捨鷹鷄去宮佃漁又

勅天下三月六日民間斷屠殺勸令齋戒官園私菜董辛悉除留師

禁中四十餘日勅於鄴城建雲門寺以居師兼為石窟大寺主洋專

務禪學勸諸州別置禪肆令達定慧者居之就傳教

授大起塔寺僧尼滿於諸州佛法東流此焉盛矣

癸酉

梁承聖二年

西魏廢帝欽

北齊天保四年

甲戌

承聖三年

十二月

西魏恭帝廓

天保五年

後○西魏不立年號謀誅太師恭事泄恭廢欽置之雍州立其弟齊王廓

姓恭帝也○西魏兵逼江陵帝與太子王褒謝荅仁朱買臣退保金城帝

十一月西魏兵逼江陵帝與太子王褒謝荅仁朱買臣退保金城帝

入東閣竹庭命舍人高善寶焚古今圖書十四萬卷又以寶劍斫柱

令折嘆曰文武之道今夜盡矣去羽儀文物白馬素車出降十二

月帝為魏人殺之立梁王暕為梁主資營荊州之地是曰後梁

敬帝方智武帝第九子封晉安王元帝被害王僧辯陳霸先奉之為梁

王乙亥年二月梁王至自潯陽即王位時年十三以太尉王僧辯

為都督中外諸軍事加陳霸先征西大將軍北齊主遣書王僧辯以

為嗣主冲藐貞陽侯以年以望堪保金陵五月僧辯遣使奉告於貞

稽古二

四一六

侯遜位出就邸百僚上晉安王表勸進十月晉安王即。紹泰一皇帝位改元紹泰在位三年以貞陽侯淵明為司徒總。太平二

乙亥 梁 紹泰元年 後梁 宣帝登西魏 恭帝 北齊 天保六年

。後梁 正月梁主贊即皇帝位于江陵宣帝也。昭明第三子初封岳陽王與元帝不平遂求附庸於西魏至是國曰梁年曰大定追尊

父大子曰昭明皇帝廟號高宗登在位七年上疏於魏則稱臣奉魏正朔明帝歸在位二十四年太子琮立善公也在位二年國歸於隋

。八月北齊主如晉陽還鄴以佛道二教不同欲去其一集二家學者論難於前遂敕道士皆剃髮為沙門詔曰得信者可飛騰遠舉不能

爾者並宜改習歸正詣昭玄上統剃度出家有不從者殺四人乃奉命由是齊境皆無道士。北齊 天保七年

丙子 梁 太平元年 後梁 大定二年 西魏 三年 北齊 天保七年

梁譯經師四十二人出經論七百八十卷寺一千八百四十六所僧尼八萬三千人。正 右梁四主合五十五年歸于陳

稽百二

陳 陳姓都 高祖武帝 世祖文帝 廢帝 建康 高宗宣帝 後主 合三十三年

高祖武帝 諱霸先字興國湖州長興人仕梁滅侯景有功丁丑年八月進位相國總百揆封陳公備九錫陳國置百司十月進爵為王受禪封梁敬帝為江陰。求定 三

王帝在位三年五十七歲

丁丑 陳 永定元年 周 宇文覺 北齊 天保八年

周 宇文姓代郡武川人父泰仕魏封周公第三子覺襲封丙子年十月受魏禪至是正月即天王位國號周追尊父泰曰太祖文皇

帝都長安不立年號稱元年封魏恭帝為宋公以木德承魏水行夏之時服色尚黑覺性剛果惡大司馬晉公宇文護之專權八月謀誅

護事泄廢王為畧陽公月餘弒之在位八月年十六迎立岐州刺史寧都公毓即天王位文帝長子也曰世宗明帝在位四年先二年

不立年號已卯年正月太師大宗伯宇文護上表歸政毓始親萬機凡軍旅之事護猶總之其都督州軍事之名改為總管八月御正中大夫崔暕建議以為聖人法準因時制宜今天子稱王不足以威天下請遵秦漢舊制稱皇帝建年號周王乃稱皇帝改元武成帝明敏

管總

有識晉公護憚之武成二年四月寘毒於糖餹帝食而殂壽二十七  
武帝邕立文帝第四子在位十八年廢釋道二教壽三十六宣帝斌  
武帝長子在位二年禪位皇太子闡自稱天元皇帝壽二十二歲靜  
二教帝後改各衍隋公楊堅為相復釋道二教在位一年禪位于隋王堅

戊寅 陳 永定二年 後梁 大定四年 周世宗明帝毓北齊 天保九年

陳 五月帝幸大莊嚴寺捨身群臣表請還宮設無遮大會供僧  
布施放生宥罪揚州造東安寺又造興皇天宮等四寺 鑰正

周 帝奉佛乘親宗族為先皇造盧舍那織成像二菩薩各高二丈六  
尺造等身檀像一十二軀各二菩薩金剛獅子等妙麗天成 鑰正

己卯 永定三年 六月 大定五年 周八月稱皇帝 天保十年 十月 帝殂

陳帝寫經一十二藏造金銅像百萬軀  
修故寺三十二所度僧尼七千人 鑰正

北齊顯祖宣帝洋在位十年佛  
法大盛所度僧尼八千人 鑰正

世祖文帝 諱舊字子華武帝兄昭烈王之長子也封臨川王太后以遺詔立之在位七年壽四十五 天嘉六年 天康一

稽古二

庚辰 天嘉元年 大定六年 周 武成二年 四月北齊乾明元年 帝殂十月皇建元年

北齊 二月太子敖立改元乾明八月太后廢之為濟南王常山王演  
立十一月改皇建元年皇建二年十月帝政獵墜馬絕脇殂遺

命弟湛入繼大統改皇建二年  
為太寧元年演湛皆宣帝之弟

二祖慧可大師尊者 洛京武牢姬氏子初名神光博涉詩書尤精玄  
理幼年抵洛陽龍門香山依寶靜禪師出家受

具於永穆寺其師指之見達磨于少室山剝林得法機緣列達磨章  
下祖之繼闡玄風也博求法嗣至北齊有一居士年踰四十不言名

氏聿來設禮而問祖曰弟子身纏風恙請和尚懺罪祖曰將罪來與  
汝懺士良久曰覓罪不可得祖曰與汝懺罪竟依佛法僧住士曰

今見和尚已知是僧未審何名佛法祖曰是心是佛是心是佛法佛  
無二僧寶亦然士曰今日始知罪性不在內不在外不在中間如其

心然佛法無二也祖深器之云是吾寶也即為剃落且名僧榮於光  
福寺受具執侍經二載祖乃告之曰菩提達磨遠自竺乾以正法眼

藏并信衣密付於吾吾今授汝汝當守護無令斷絕聽吾偈曰本來  
緣有地因地種華生本來無有種華亦不曾生付衣法已又曰汝莫

吾教宜處深山未可行化恐羅世難然吾亦有宿累今要酌之祖即往鄴都隨宜說法積三十四年後於宛城縣匡救寺山門下談無上道時有辯和法師者於寺中講涅槃經學徒稍稍引去和憤謗祖於邑宰翟仲侃罷罪于祖祖乃委順時年一百七歲當隋文帝開皇十三年三月十六日也葬磁州滏陽縣東北七十里唐德宗謚曰大祖禪師証宗

**辛巳** 陳天嘉二年 後梁大定七年 周武帝嘗保定元年 北齊建寧二年十月改太寧元年

**壬午** 天嘉三年 齊學歸齊周命稱帝天保元年 保定二年 河清元年

**癸未** 天嘉四年帝設無明帝歸 天保二年 保定三年 河清二年

**法上法師** 北齊世祖成帝湛築壇於內請上法師授歸戒帝布髮於地令法師踐其髮而陞座帝受戒畢次授入座重臣后妃咸厲菩薩戒法翔報德寺以居法師諺曰四海僧望道場法上時錄

**僧增禪師** 周帝王臣克盡禮敬一日謂僧眾曰急修法事誦觀世音救江南講堂崩瓦是時楊都講堂聽法眾集道俗充滿忽

稽古二

四一九

聞西北異香空中伎樂合堂驚出瞻觀堂欵摧倒大眾無損奏聞梁主移聞于周乃知禪師之祐也是年七月十八日禪師入寂壽八十八歲帝哭之慟勅圖其像於大福田寺供養之懺應

**甲申** 天嘉五年 後梁天保三年 周初令百官執笏北齊保定四年 河清三年

**乙酉** 天嘉六年 天保四年 保定五年 帝禪位太子緯大統元年四月改

**丙戌** 天康元年四月帝殂 天保五年 天和元年 大統二年

陳文帝脩治故寺六十所寫佛經五十藏度僧尼二萬人熾熾

**臨海王** 諱伯宗史曰廢帝文帝長子在位二年安成王瑱以章太后令廢帝為臨海王壽十九歲瑒即帝位

光大二

**丁亥** 光大元年 天保六年 天和二年 北齊大統三年

釋亡名

周武帝勅亡歸名為夏州三歲尋欲官之天和二年五月冢

因著金人殿息心銘文曰法界有如意寶人焉絨其身銘其膺其曠  
多知多事不如息意多慮多失不如守一慮多志散知多心亂  
生志散妨道英賢才藝是為愚弊一技  
一能日下孤燈一能一技空中蚊蚋續傳

南嶽思大禪師

諱慧思武津李氏子初北齊慧聞禪師嘗抽歲經得  
中觀論妙悟其旨即遙禮西天第十四祖造論大士

龍樹尊者為師開空假中三觀論之元文曰因緣所生法我談即是  
空一名為假各一名中道義遠者大興其教觀顯梁元帝承聖三年思

依慧聞悟入法華三昧及旋陀羅尼門奉菩薩三聚淨戒不來絲綿  
寒則以熟艾敷其座道行著聞時稱思大和尚嘗有疾念之曰病由

業生業由心起心緣不起外境何狀業病與身都如雲影作是觀已  
身遂輕安及領徒南邁值梁之亂暫止大蘇山陳廢帝光大元年聚

南嶽謂其徒曰吾前生曾居此處指林泉曰古寺也掘地得殿宇基  
址僧用器皿得遺骸於兩石下乃建塔曰三生塔當岳心建般若寺

虎跑地出泉以供學侶陳宣帝大建元年嶽祠道士密告陳帝誣師  
北僧受齊國券斷岳心釘石與妖陳帝遣使追師師飛錫而至帝

稽首

五下

異之迎以供養安置棲玄寺問辯佛理帝乃罪道士以欺罔欲誅之  
師為奏免之帝乃勅諸道士以供師役師奏還南嶽帝餞以殊禮久  
之師示眾曰道源不遠性海非遙但向己求莫從他覓覓即不得得  
亦不真陳大建九年六月二十二日入滅壽六十四歲師所著述並  
行于世師為法  
華二祖也析猷

戊子

陳 光大二年

十一月後梁

天保七年

周

天和三年

北齊

大統四年十一月廢少

高宗宣帝

項昭烈王第二子封安成王受遺詔輔政至是十一月廢少

皇寺寺造七級大塔造金銅佛二萬軀造崇皇寺修  
故像百三十萬軀寫佛經十二藏度僧尼萬人

己丑

陳 大建元年

四月傳

天保八年

天和四年

大統五年

三祖僧璨大師尊者

不知何許人也初以慮士見二祖慧可尊者於  
北齊可祖器之為剃度受具得法是年自北齊

來司空山遂隱於舒州皖公山今所謂山谷山寺也三十年其跡寔  
顯學者知求其道隋開皇間乃有沙彌道信者禮拜曰乞大師發我

辭脫法門祖曰誰縛汝曰無人縛祖曰既無人縛汝即是辭脫何須更求辭脫道信即悟願為弟子父之信往江西吉州受戒既還祖曰汝今已戒道亦備矣吾即往之昔如來大法眼藏今以付汝并其衣鉢汝皆將之聽吾偈曰花種雖因地從地種花生若無人下種花地盡無生復曰汝善傳之無使其絕吾往遊羅浮非久乃還更二載遂復山谷月餘盛會州人與其說法已而立化於大樹之下當隋大業

二年十月十五日也是時人民不安未遑塔之至唐玄宗天寶五載捕郡李常移官於舒乃發瘞焚之得舍利立塔於其化所聞于朝玄宗蓋曰鑒智禪師塔曰覺寂其後伐宗朝相國房瑋為碑序之甚詳也正宗祖嘗作信心銘行于世

**信心銘**其文畧曰至道無難唯嫌揀擇但莫憎愛洞然明白毫釐有差天地懸隔欲得現前莫存順逆又曰圓同太虛無欠無餘良由取捨所以不如又曰二由一有一亦莫守一心不生萬法無咎又曰真如法界無他無自要急相應唯言不二不二皆同無不包容十方智者皆入此宗又曰一即一切一切即一但能如是

何慮不畢信心不二不二信心言語道斷非去來今全齊錄

**庚寅** 東 大建二年 後梁 天保九年 周 天和五年 北齊 武平元年

稽百二 五十一

**齊昭玄上統** 法師曇延勅進位為昭玄上統

**辛卯** 陳 大建三年 後梁 天保十年 周 天和六年 北齊 武平二年

**律師僧正** 陳宣帝再為孝太妃母氏也於太皇寺建靈刹高一十有

律部者皆參律部於都邑大寺廣置聽場仍勅瑗律師為國僧正僧史

**壬辰** 大建四年 天保十一年 建德元年 武平三年

**撰** 九月陳帝詔僕射徐陵撰婺州雙林傳大士碑詔僕射周弘正撰慈和闍黎碑陳紀

**帝** 周帝詔禪師僧瑋至京親稟戒誨勅后妃公卿咸受十善勅住京城

**戒誨** 天寶寺及東歸勅為安州三藏周帝嘗奉佛篤敬造寺建塔度僧寫佛經千餘部忽為道士張賓之惑始懷毀教之志甲午年五月十七

**錄** 日下詔廢佛教俄有旨兼廢道教法師靜齋詣闕見帝引對極陳廢教之不宜及禍福報應之說周帝為改容顏業已成詔肯既頒行且不可返因謝遣之霽退入太乙山撰三寶錄二十卷行於世

癸巳陳 大建五年 後梁 天保十二年 周 建德二年 北齊 武平四年

釋僧安住王屋山講涅槃經有一雌雉伏聽是年安至越州一家有女髮如雉毛見安如舊相識是知其女乃雉也感應

甲午 大建六年 天保十三年 建德三年廢佛 武平五年

乙未 大建七年 天保十四年 建德四年 武平六年

後梁明帝歸荊州造天皇陟此大明寶光四望等寺

○天台智者大師 此年至建康禪師諱智顛字德安生荊州華容陳氏年十八出家初謁大蘇山慧思禪師即示普賢道場

為說四安樂行大師誦法華經至藥王品曰是真精進是名真法供養如來乃悟法華三昧獲旋陀羅尼見靈山一會儼然未散及辭思遊化思曰汝於陳國有緣往必利益至是乙未年抵建康瓦棺寺創弘禪法僕射徐陵尚書毛喜等貴望並稟禪旨嘗夢登高山見一僧以手招之是年九月至天台山定光出迎曰憶昨相招否大師驚異而札之乃創菴行道陳宣帝詔師遷都居光宅寺隋文帝開皇九年

稽古二 五十二

光顯

陳國滅大師乃繼廬山開皇十一年晉王廣任總江淮十一月二十三日於揚州總管金城請大師設僧會授菩薩戒奉師號曰智者又之還廬山晉王再請出山為齋妃救患建齋七日行光明懺疾瘳再還廬山過衡峯居荆部留玉泉寺開皇十七年十一月二十四日歸寂於台山石城寺壽六十七僧臘四十大師造大寺三十六所命寫經一十五藏著經疏百餘卷造金銅土木等像八十萬軀度僧一萬五千人五十餘州道俗受菩薩戒者不可勝紀大師謂法華為一乘妙典開方便之權門示真實之妙理會衆善之小行歸廣大之一乘遂出玄義曰釋名辯體明宗論用判教相之五重也後世宗之曰天台教

天台九祖

天台九祖初南嶽慧聞禪師探藏經得西天龍樹大士所造中觀論悟旨遂遙禮龍樹為師開空假中三觀止觀法門以法華宗旨授慧思大禪師思授智者大禪師智顛授灌頂章安尊者也頂授緇雲威縉雲傳東陽威東陽傳左溪元朗朗傳湛然荆溪尊者也通為九祖學者宗之謂之四教法性觀行宗天台教荆溪尊者入戒於唐德宗興元元年翰林梁肅題其碑陰命世亞聖云

丙申陳 大建八年 後梁 天保十五年 周 建德五年 北齊 隆化元年改曰德昌



**周代** 齊周建德五年十月周主自將伐齊克晉州齊主憂懼自晉陽還鄴并州將帥請於安德王延宗曰王不為天子諸人實不能為王出死力

延宗不得已即皇帝位周軍圍晉陽攻東門克之延宗戰力屈走至

城北周人擒之周主下馬執其手曰兩國天子非有怨惡直為百姓

來耳終不相害勿怖也使復衣帽而禮之周主大赦削除齊制收禮

文武之士周師趣鄴齊主引諸貴臣入朱雀門問以禦周之策人人

異議齊主不知所從望氣者言當有華勢齊主引尚書令高元海等

議依大統故事禪位皇太子恆○丁酉年正月乙亥朔齊太子恆即

皇帝位改元承光尊齊主為太上皇帝壬辰周師至鄴下圍之齊人

出戰大敗齊上皇從百騎東走齊王公以下皆降甲午周主入鄴乙

未齊上皇渡河入濟州是日幼主禪位于大丞相任城王湝湝詔尊

上皇為無上皇幼主為宋國天王丙申齊上皇留胡太后於濟州自

與穆后馮淑妃幼主韓長鸞等數十人奔青州欲入陳周師奄至上

皇與后妃幼主等十餘騎南走尉遲勤追及盡擒之并胡太后送於

鄴北齊五主合二十八年滅四月周主還至長安封齊主為溫公綱

**滅齊** 齊主還至長安封齊主為溫公綱

**丁酉** 陳 後梁 天保十六年 周 建德六年 北齊 幼主恆 承光元年國滅

北齊譯經師六人出經論五十二卷 僧二百萬餘人建寺院四萬餘所劫

**戊戌** 大建十年 天保十七年 周帝殂長子贊立宣政元年也 後傳位太子自稱天元皇帝

周建德七年三月突厥寇幽州周武帝帥諸軍伐突厥 五月不豫六月還長安殂壽三十六太子贊即皇帝位

**己亥** 陳 後梁 天保十八年 周帝闢改名衍 大政元年 歲次 正

正月周宣帝贊受朝於露門始與群臣服漢魏衣冠大赦改元大成 置四輔官以大冢宰越王盛為大前疑相州總管蜀公尉遲迥為大

右弼中山公李穆為大左輔大司馬隋公楊堅為大後丞宣帝傳位 於太子闢改名衍改大成年曰大像元年宣帝自稱天元皇帝十月

復佛像及天尊像大像二年正月詔內外命婦皆執笏其拜宗廟及 天臺皆悅仰如男子天元五月不豫召劉昉等入臥內欲

囑以後事瘡不復能言昉見靜帝衍幼冲以后父楊堅有重名遂與 柱國沛公鄭繹柳裘等謀引堅輔政是日天元殂壽二十二祕不發

喪昉繹矯詔以堅總知中外兵馬事堅華宣帝苛酷之政更為寬大 天元造像一萬餘軀命寫般若經三千部六齋八戒念誦不替爍正

八二

稽古二

五一

命婦 執笏

陳

陳

後梁

周

北齊

周帝殂長子贊立宣政元年也 後傳位太子自稱天元皇帝

周帝闢改名衍 大政元年 歲次



陳是年帝詔禪師智顛還都居光宅寺隋文帝開皇十一年任總江

授菩薩戒師為王立法名總持王奉師號智者智者大師稱由此始

壽

教

師居常以五時八教判釋東流一代聖教罄無不盡言五時者一華

嚴時二鹿苑時說四阿含三方等時說維摩思益楞伽金光明勝鬘

等經四般若時說摩訶般若光讚般若金剛般若諸般若經五法華

涅槃時言八教者頌漸祕密不定藏通別圓頭等四教是化儀如世

藥方藏等四教名化法如辯藥味第一頭教者華嚴經譬如日出先

照高山第一時涅槃經云譬如從牛出乳此從佛出十二部經第二

漸教此下三時三味細名為漸初在鹿苑說四諦十二因緣事六度

等教約時則日照幽谷第二時約味從乳出酪此從十二部出九部

修多羅次明方等部淨明等經彈偏折小蘊大蘊圓四教俱說藏為

判字教通別圓為滿字教約時則食時第三時約味從酪出生酥此

從九部出方等次說般若約時則禺中時第四時約味從生酥出熟

酥此從方等之後出摩訶般若第三祕密教者如來三輪不思議故

或為此人說頭或為彼人說漸彼此互不相知能令得益故言祕密

第四不定教者由前四味中佛以一音演說法眾生隨類各得解不

思議方能令眾生於漸說中得頭益於頭說中得漸益得益不同故

春二十二入建十午一

又五十三二

言不定教也次說法華開前頭漸會入非頭非漸故言開權顯實又

言廢權立實又言會三歸一經云十方佛土中唯有一乘法無二亦

無三正直捨方便但說無上道約時則日輪當午罄無側影第五時

約味從熟酥出醍醐此從摩訶般若出法華開示悟入佛之知見授

三乘人及一切眾生成佛記次說大涅槃者有二義一為未熟者更

說四教具談佛性令其真常入大涅槃故名捨捨教二為末代鈍根

於佛法中起漸滅見夫傷慧命亡失法身說三種權扶一圓實故各

扶權談常教論時論味與法華同化法四教第一三藏教者一修多

羅藏四阿含等經二阿毗曇藏每舍沙等論三毗尼藏五部律此

之三藏名通大小今取小乘三藏言苦集滅道等次明通教通前藏

教通後別圓故名通教第三別教者明界外獨菩薩法教理知斷行

位因果別前三教別後圓教故名別也第四圓教者圓名圓妙圓滿

圓足圓頓故名圓教也所謂圓伏圓信圓斷圓行圓位圓自在莊嚴

法華妙典蕩化城之執教釋草庵之滯情開方便之權門示真實之

妙理會眾善之小行歸廣大之一乘遂出玄義曰釋名辯體明宗論

用判教相之五重也名則法喻齊舉謂一乘妙法即眾生本性在無

明煩惱不為所染如蓮華處于淤泥而體常淨故以為名此經開權

顯實廢權立實會權歸實如蓮之華有含容開落之義華之蓮有隱  
現成實之義亦謂從本垂跡因跡顯本夫經題不越法譬人單復具  
足凡七種單三複三具足者一攝一切名妙法蓮華經即復之一也  
法譬為攝名以召體之即實相謂一切相離實相無體故宗則一乘  
因果開示悟入佛之知見可尊尚故用則力用以開廢會之義有其  
力故然後判教相以如來一代之說判為五時八教也教理既明非  
觀行無以復性乃依三諦之理空假中示三止三觀一一觀心心念  
不可得先空次假後中離二邊而觀一心如雲外之月者此乃別教  
之行相也又云破一切惑莫盛乎空建一切法莫盛乎假究竟一切  
性莫大乎中故一中一切中無假無空而不中空假亦尔即圓教之  
行相也如摩醯首羅天之三日非縱橫並別故三觀圓成法身不素  
尚慮學者昧於修性或墮偏執復創六即之義以絕斯惑一理即佛  
者十法界衆生下至蟻螟同稟妙性從本以來常住清淨覺體圓滿  
一理齊平故二名字即佛者雖理性坦平而隨流者日用不知必假  
言教外薰得聞名字生信發解故三觀行即佛者既聞名開解要假  
前之三觀而返源故四相似即佛者觀行功深發相似用五分真即  
佛者三心開發得真如用位位增勝故六究竟即佛者無明永盡覺  
心圓極證無所證故如上六位既皆即佛不屈不滯通具法報化三

身爲正隨居四土爲依四土者一常寂光法性土也法身居之

二寶

報無障土攝二受用也自受用土報佛自居他受用土登地菩薩居  
三方便有餘四淨穢同居並爲應化土也地前菩薩二乘凡夫所居  
其實則非身非土無優無劣爲對機緣故假說身土而分優劣師得  
身土互融權實無碍故三十餘年晝夜宣演生四種益具四悉檀悉  
備也檀翻名施也師之法偏施有情隨根得益如云世界悉檀生歡  
喜益云云師生緣見乙未年○天台第九祖荆溪尊者始終心要曰  
夫三諦者天然之性德也中諦者統一切法真諦者泯一切法俗諦  
者立一切法舉一即三非前後也含生本具非造作之所得也悲夫  
秘藏不顯蓋三惑之所覆也故無明翳乎法性塵沙障乎化導見思  
阻乎空寂然茲三惑乃體上之虛妄也於是大覺慈尊喟然嘆曰真  
如界內絕生物之假名平等慧中無自他之形相但以衆生妄想不  
自證得莫之能返也由是立乎三觀破乎三惑證乎三智成乎三德  
空觀者破見思惑證一切智成般若德假觀者破塵沙惑證道種智  
成解脫德中觀者破無明惑證一切種智成法身德然茲三惑三觀  
三智三德非各別也非異時也天然之理具諸法故然此三諦性之  
自尔迭茲三諦轉成三惑惑破藉乎三觀觀成證乎三智智成成乎  
三滿從因至果非漸修也說之次第理非次第大綱如此綱目可尋

庚子 大建十二年

後梁 天保十九年

周 大像二年

二月周帝詔曰佛法弘大前古共崇詎宜隱沈捨而不行自今應王公下至黎庶並宜修事知朕意焉

辛丑 大建十三年

天保二十年

正月改元大定

隋受周禪 開皇元年

周靜帝大像二年十二月以大丞相隋公楊堅為相國總百揆進爵為王以安陸等二十郡為隋國贊拜不名備九錫之禮堅受爵十郡而已辛丑年正月靜帝改元大定二月通直散騎使季才勸隋王宜應天受命太傅李穆大將軍盧賁亦勸之於是周主下詔遜位居別宮命祀公椿奉皇帝璽紱禪位于隋周五主合二十五年祚終隋王受冊璽入臨光殿服袞冕如元會之儀大赦建元開皇除周六官依漢魏之舊封周帝

為介公九歲薨

隋 帝楊姓堅名弘農華陰人漢太尉震十四代孫父忠初事周文屢立戰功官至太傅隋國公堅襲封也周武聘堅女為太子妃太子

宣帝也靜帝立堅輔政受周禪以火德都長安開皇元年三月詔於五岳之下各置僧寺一所

稽古二

五十四

關三代造我帝基追仰神猷事冥真寂思欲廣崇寶刹經始伽藍增長福因微副幽旨其襄陽隋郡江陵晉陽並宜立寺一所建碑頌德每年至國忌日設齋行道八關懺悔奉資神靈八月制曰昔歲周道既衰群克鼎沸朕出車練卒蕩滌妖醜節義之徒輕生忘死干戈之下每聞殂落末念群生蹈兵刃之苦有懷至道興度脫之心思建福田法力冥助庶死事之臣菩提增長悖逆之侶從暗入明並究苦空

戰地 咸拔生死可於相州戰地建伽藍一所 帝又於民有犯法處盡者率為營齋是冬沙門智周等自西域還進梵本經二百六十部 勅

付有司召人翻譯隋帝在位二十四年壽六十四歲

壬寅

陳 大建十四年 正月 帝崩 後梁

天保二十年

隋 開皇二年

建都 六月隋帝詔以長安龍首山宜建都邑城曰大興城殿曰大興殿寺曰大興善寺詔境內之民任聽出家仍計口出錢營造經像以法師

大統三藏法師帝昔龍潛所經四十五州至是同起大興國寺 鑾皇

後主

諱叔寶宣帝長子壬寅年正月即帝位九月設無礙會 至德四於太極殿捨身及乘輿服御 禎明三

癸卯 至德元年

後梁 天保三年

隋 開皇三年 三月遷于新都

後 隋正月帝詔曰朕欽崇聖教念存神宇其周朝所廢之寺咸可修復又敕曰好生惡殺王政之本佛道垂教善業可憑稟氣含靈唯命焉重宜勸勵天下同心救護其京城及諸州官所立寺正月五月九月常起八日至十五日當寺行道其日遠近民庶凡是有生之類悉不得殺闍皇帝又敕法師明瞻翻譯經文住大興善寺又敕釋慧遠為洛州沙門統闍經

甲辰 至德二年

天保三年

開皇四年

三月陳國僧統寶瓊入寂壽八十一敕有司給葬具仍以天子鹵簿仗借為師闍正

隋帝以初生同出般若尼寺故基為太祖武元皇帝元明皇太后造大興國寺闍正

乙巳 至德三年

天保四年五月 崑崙太子瑛嗣立

開皇五年

隋帝請經法師受菩薩戒詔曰朕夙膺多祉恭嗣寶命方欲皈依正覺欽崇聖果今請經法師於大興善殿受菩薩戒然菩薩之教以解

稽古二

五一五

受 脫為先戒行之本以慈悲為始今因圖幽闇有動于懷自流罪以下戒 悉可原放又敕曰佛以正法付囑國王朕是人尊受佛付囑自今以後訖朕一世每月常請二七僧隨番上下轉經經師四人

大德三人於大興善殿讀一切經文闍正

丙午 至德四年

後梁 珠 菩 龜

開皇六年

蜀王秀及妃姬請釋法進稟授戒法

丁未 禎明元年

廣運二年 滅

開皇七年

陳年禎明宋資治通鑑避仁宗皇帝廟諱作祥明今從舊

隋八月徵梁主入朝梁主帥其群臣發江陵隋帝以梁主在外遣武鄉公崔弘度將兵戍江陵梁主叔父安平王巖等恐弘度襲之驅文武男女十萬口奔陳隋帝聞之廢梁國拜梁主琮柱國賜爵公後梁三主並崇信佛法廣造塔寺一百八所僧尼三千二百人陳法師慧布至德間於建康攝山建棲霞寺陳帝諸王並受布戒奉之如佛是年十一月二十三日入寂闍實 隋帝召遷法師詔曰皇帝敬問徐州曇遷法師承勤精大教利益無邊承風食德實懷虛想願即來儀以沃勞望遷至京大弘法化闍皇

戊申

陳

禎明二年

五月廢太子胤為吳興王  
立張貴妃子深為太子

隋

開皇八年十月大舉伐陳

李士謙

開皇八年卒謙字約少喪父事母以孝聞其族長伯瑒每嘆曰此子吾家顏子也謙施藥散穀積三十年雅好佛舉止約

陰以戒定有謂其脩陰德謙笑曰夫陰德其猶耳嗚惟己自知人無得而知者今吾所作仁者皆知何陰德之有謙寂善玄言有疑佛報應

報應之說士謙喻之曰不聞易經乎積善餘慶積惡為殃豈非休咎之徵邪客又問三教優劣士謙曰佛日也道月也儒五星也客有省焉姓

己酉

禎明三年滅

開皇九年

天下

正月陳帝為隋廬州總管韓擒虎所得隋帝詔建康城邑宮室平蕩耕墾更於石頭城置蔣州班師以長史右僕射司馬王韶鎮石頭三

月陳主與其王公百官發建康四月至長安隋帝給賜陳主甚厚數得引見班同三品仁壽四年卒贈大將軍長城縣公謚曰煬

陳譯師三人出經論二百卷寺一千二百三十二所國家新寺一十七所百官造者六十八所廊內大寺三百所僧尼三萬二千人

右陳五主合三十三年歸于隋

稽古二

五十一

隋

楊姓以火

○

高祖文皇帝

煬帝

恭帝

德都長安

越王侗恭帝改皇泰元年

高祖文帝

諱堅受周禪見辛丑年下

開皇二十  
仁壽四

庚戌

開皇十年春帝幸晉陽敕曰自開皇十年已前諸有僧尼私度者並聽出家尋下敕為第四皇子蜀王秀於京置勝光寺詔遷

智舜法師徒衆居之受王供養禪師智舜初事稠禪師居白鹿山十年比入贊皇山聲譽遠播是年詔曰皇帝敬問趙州章洪山智舜禪師道

體清勝教導蒼生使早成就朕甚嘉焉朕弘護正法夙夜無怠今清開府盧元壽拍宣梵意并送香物如別錄○十一年帝制曰如來設

教義存平等菩薩用心本無差別故能津梁庶品濟度群生朕位在人生紹隆三寶永言至理弘闡大乘諸法豁然體無彼我况於福業

乃有公私自今凡是營建功德普天之内混同施造隨其意願勿生分別庶一切法門同歸不二十方世界俱至菩提綱皇時法師曇延

三朝

入滅延為三朝帝師臨終以表辭帝託以外護帝哭之哀百僚縞素送葬內史薛道衡為祭文畧曰往逢道喪玄綱落紐棲心幽巖確乎

不拔高位厚祿不能回其意嚴威峻法不足懼其心聖皇啓運像法再興卓爾縮衣鬱爲稱首屈宸極之重申師資之義三寶由之弘護

壽

二諦藉以宣揚信足以追蹤澄什超邁安遠矣正○十三年春二月

宮

月詔營仁壽宮於陝西鳳翔府岐州之北蜀王秀獵岐州之野馬突

古窰

入一古窰滿窰皆佛菩薩故像帝聞乃詔諸像仰所在官司精加檢

佛像

括運送近寺率土蒼生各施一文委官莊節立疏文曰十二月八日

隋皇帝佛弟子楊堅敬白十方三寶仰惟如來慈悲弘道濟度含生

斷邪惡之源開仁善之路自朝及野咸所依憑屬周代亂常侮機聖

迹塔寺毀廢經像淪亡致愚者無以導昏迷智者無以尋靈聖弟子

往藉三寶因緣今膺昌運作民父母思拯黎元重顯尊容再崇神化

頹基毀迹更事莊嚴廢像遺經悉令雕撰弟子今於三寶前至心懺

悔周室毀像殘經慢僧破寺如此重罪悉爲懺悔敬施一切毀廢經

像絹十二萬疋願三寶證明受我懺悔皇后施絹亦十二萬疋王公

已下臺官主將以至州縣佐史諸寺僧尼京城宿老下逮黔黎一一

施錢五日設齋奉慶經像皇○又詔於諸州名山之下各置僧寺

一所并賜莊田○十四年勅率土之內但有山寺一僧已上皆聽給

額私度者附貫又勅沙門法經二十大德撰衆經目錄七卷總標九

錄區別品類曇崇法造佛塔高十一級十月三十日無疾而化十

九百八十

稽一

五七一

齊梁

月詔以北齊後梁陳宗祀廢絕命高仁英蕭琮陳叔寶以時脩祭所

陳

須器物有司給之陳叔寶從帝登洛陽山侍飲賦詩曰日月光天

德山河壯帝居太平無以報願上東封書并表請封禪帝優詔答之

○十五年帝以僧尼時有過失內律佛制不許俗看勅有司依大小乘

經有禁約沙門語悉令錄出爲衆經法式十卷發導出家遏惡弘善

綱皇○帝及皇后於京師法界尼寺造連基浮圖其下安佛舍利七

月放大光明帝請法純禪師入內爲皇后受戒經帝賜發州雙林

寺沙門慧則等書畧曰朕君臨天下重興教法欲使三寶永崇四生

帝製經衆主時惟尚僧祇師乃弘四分漸皆宗附焉○十七年正月沙門寶

貴以開皇已來新所譯經奏上帝親製序翻經學士貴長房成都人

也初爲僧周武廢教逐俗隋與仍習白衣時預參譯筆受詞義是年

十二月二十三日奏其所撰歷代三寶紀一部十五卷下勅行之其

紀備載歷代翻譯之經譯師道俗首末是年括天下僧尼私度者並

令得戒○十八年帝又賜發州雙林寺沙門慧則書曰朕受天命撫

育黎元尊崇三寶情深救護望十方含靈蒙茲福業俱登仁壽汝等

普爲群生宣揚聖教精誠苦行深慰朕懷利益宏多勿辭勞也○十

九年二月智文律師卒○二十年詔有毀佛道像者以惡逆論三寶

紀

三寶

辛酉

仁壽元年帝潛龍時遇梵僧授佛舍利一罽是年三月物以故

建舍

覺大慈大悲救護衆生津梁庶品朕歸依三寶重興聖教思與四海

共脩福業永作善因同登妙果宜請沙門三十人詣解法相堪宣導

者各將侍者二人散官一人薰陸香百二十斤分道送舍利往三十

州建塔每州僧三百六十人為朕及內外臣民七日行道限十月十

五日午時同下石函宣職悔文菩薩戒弟子皇帝堅敬白三寶堅蒙

三寶力為蒼生君父今故分布舍利起塔願為衆生懺悔重罪帝於

十月十五日午時御大興殿西向執珪而立延請佛像及沙門三百

六十人備蓋音樂自大興善寺迎來至殿燒香禮拜率文武百僚齋

食及舍利入塔時畢帝曰佛法重興必有感應時高麗百濟新羅三

國使者將還各請舍利於本國起塔供養詔許之十二月二日勅送

舍利三十顆貯以金合盛琉璃瓶於長安大興善寺起塔道俗萬億

迎引至寺設無遮大會虔誠禮焉編皇○二年正月帝復分布舍

利於岐陝恒統等五十三州建塔一如前式期用四月八日午時同

下石函五月十五日雍州天雨金屑寶華七月十五日長安延興寺

鑄丈六金銅佛像天雨寶屑銀華西竺闍那崛多三藏是年出護國

等經總三十九部合一百九十二卷勅請興善寺翻經學士沙門撰

衆經目錄五卷總為五錄隨類區辯也辨教○三年帝以皇后崩乃

於京邑西南置禪定寺建塔七級勅有司迎遷禪師主之召海內各

德禪師一百二十人同居行道講教

九百九十四

北齊書

卷一百一十八

衆經

衆經目錄五卷總為五錄隨類區辯也辨教○三年帝以皇后崩乃

於京邑西南置禪定寺建塔七級勅有司迎遷禪師主之召海內各

德禪師一百二十人同居行道講教

文中子 王通西遊長安見帝太極殿奏太平十二策尊王道推霸畧

知謀之不用也作東征歌而歸乃續詩書正禮樂修元經贊易道九

年而六經大就門人自遠而至者河南董常太山姚義京兆杜如晦

趙郡李靖南陽程元扶風竇威河東薛收中山賈瓊清河房玄齡鉅

鹿魏徵太原王珪溫彥博潁川陳叔達等咸稱師北面受王佐之道

餘往來受業者蓋千餘人賈瓊問息謗通曰無辨問止怨曰不爭通

日聞謗而怒者讒之罔撇調也見譽而喜者佞之媒也絕罔去媒

讒佞遠矣煬帝初累徵不就大業十三年有疾聞煬帝被害泣然而

興曰生民厭亂久矣其或者將啓堯舜之運吾不與焉命也遂卒門

人謚曰文中子子嘗為中說以擬論語其周公篇曰詩書盛而秦世

滅非孔子之罪也玄虛長而晉室亂非老莊之罪也齋戒修而梁國

亡非釋迦之罪也易不云乎苟非其人道不虛行或問佛子曰聖人

也曰其教何如曰西方之教也中國則泥之又曰觀皇極讜議三教



東皐

於是乎一矣子之弟王績亦著書號東皐子文中子講道于白牛之  
溪茅子捧書北面環堂成列講罷程生退省於松下語及周易薛收  
嘆曰不及伏犧氏乎何辭之多也俄而有負苓者睹皐然委擔而息  
曰吾子何嘆也薛收曰叟何為者而徵吾歎負苓者曰夫麗朱者赤  
附墨者黑蓋漸而得之也今吾子所服者道而猶嘆是六腑五臟不  
能受也吾是以問薛收曰收聞之師易者道之蘊也伏犧畫卦而文  
王繫之不逮省文矣吾是以歎負苓者曰文王焉病伏犧氏病甚者  
也昔者伏犧氏之未畫卦也三才其不立乎四序其不行乎百物其  
不生乎萬象其不森乎何營營而費畫也自伏犧氏泄道之密瀚神  
之幾分張太和磔裂元氣使天下之智者罷道逆出曰我善言象而  
識物情陰陽相磨遠近相取詐為剛柔同異之說以駭人志於是知  
者不知而大樸散矣則伏犧氏若兆亂者安得真歎而嗟文王負其  
苓而行追而問之居與姓名不通龍  
谷文中子開之曰隱者也文門人

甲子

仁壽四年正月詔曰朕祗受肇命撫育生民遵奉聖教重興善  
法如來大慈覆護群品咸見舍利開導舍生朕已分布遠近皆  
起靈塔其間諸州猶有未遍今更請大德去送舍利各往諸州依前  
造塔當與蒼生同斯福業乃勅法遵律師等送舍利往博絳等三十

稽一百二

五十九

餘州一依前式用四月八日期同下塔魏肅帝將避暑仁壽宮術士  
章仇嬖太翼詔諫止之帝不聽遂幸仁壽宮四月不豫七月崩歸太  
子廣即位帝在位駕佛經四十六歲九十三萬卷修治故經四百部  
造金銅檀像六十餘萬魏修治故像一百五十萬九千餘軀宮內造  
刺繡并織成像及畫像五彩珠幡不可稱計崇緝寺宇五  
千餘所譯經道俗二十四人所出經論垂五百餘卷魏鑰教

煬帝

諱廣高祖文帝第二子封晉王開皇二十年廢太子勇立廣為皇  
太子仁壽四年七月即帝位在位十三年為令狐行達盜於江都  
壽三十。大業三  
九歲

乙丑

大業元年正月帝為高祖造西禪定寺又於高陽造隆聖寺賜  
葵州傳大士雙林寺書畧曰朕欽承寶命撫育萬方思弘德化  
覃被遐邇胸坎魏始置進士科三月戊申詔曰聽採輿頌謀及庶  
民故能審刑政之得失今將巡歷淮海觀省風俗敕宇文愷與內史  
舍人封德彝等營顯仁宮南樓魏北跨洛濱發大江之南五嶺以  
北奇材異石輸之洛陽又求海內嘉木異草珍禽奇獸以實園苑又  
命尚書右丞皇甫儀發河南淮北諸郡民前後百餘萬開通濟渠自  
西苑引穀洛水達于河復自板渚引河歷滎澤入汴又自大梁之東

置進士科

引汴水入泗達于淮又發淮南民十餘萬開邗溝州自山陽至揚子入江渠廣四十步渠旁築御道樹以柳自長安至江都置離宮四十餘所又遣黃門侍郎王弘等往江南造龍舟及雜船數萬艘五月築西苑周二百里其內為海周十餘里為方丈蓬萊諸山高出水面百餘尺臺觀宮殿羅絡山上向背如神海北有龍鱗渠紫紆注海內泂渠作十六院門皆臨渠每院以四品夫人主之堂殿樓觀窮極華麗宮樹秋冬彫落則剪絲為花葉綴於枝條色渝則易以新者常如陽春沼內亦剪絲為荷菱芡乘輿遊幸則去水而布之上好以月夜從宮女數千騎遊西苑作清夜遊曲馬上奏之八月上行幸江都發顯仁宮出洛口御龍舟四重高四十五尺長二百尺上重有正殿內殿東西朝堂中二重有百二十房皆飾以金玉下重內侍處之皇后乘翔螭舟制度差小而裝飾無異挽船士皆以錦綵為袍又有浮景漾彩朱鳥蒼螭等數千艘擘刀挽船士八萬餘人舳舻相接二百餘里照耀川陸騎兵兩岸而行旌旗蔽野帝每出遊幸羽儀亘二十餘里文物之盛近世莫及也謂○二年三月帝發江都四月入東京立道場設無遮大會度士女百二十人為僧尼奉為文帝造金銅釋迦佛坐像一軀并州岷原造弘善寺傍龍山作彌陀坐像高百三十尺揚州立慧日道場長安造清禪寺日嚴寺香臺寺又捨

稽古二

九宮為九寺於恭陵莊陵俱各造寺為文皇獻后於長安造二寺二塔別立寺十所修治故經六百十二歲計九十萬三千五百八十卷故像十萬一千軀鑄造新像三千八百五十六軀度僧一萬六千

百人帝出巡幸常以僧尼道士女冠自隨謂之四道場辨○三年正月二十八日帝設齋具疏稱皇帝菩薩戒弟子廣白三寶謹於率土之內建立勝緣請僧七日行道度僧一千人以此功德普為衆生清淨罪垢同至菩提辨正三月帝還長安以高祖末年法令峻刻詔改修律令民久厭嚴刻喜於寬政旅騎尉劉炫預修律令吏部尚

書牛弘從容問炫曰周禮事多而府史少今令史百倍於前減則不濟其故何也炫曰古人委任責成歲終考其殿最下功曰殿案不重校文不繁悉府史之任掌要目而已今之文簿恒慮覆治若銀鍊不

密則萬里追證百年舊按此之由也謂改州為郡改度量權衡並依古式改上柱國以下官為大夫置殿內省與尚書門下內史秘書為五省增謁者司隸臺與御史為三臺分太府寺置少府監與長秋國

子將作都水為五監又增改左右翊衛等為十六府廢伯子男爵唯留王公侯三等詔發丁男百餘萬築長城西距榆林東至紫河尚書

西藥

左僕射蘇威諫帝不聽築二旬而畢八月車駕發榆林歷雲中沂金

長城

河時天下承平百物豐實甲士五十餘萬馬十萬匹九月至東都

營 四年詔於汾州之北汾州之源營汾陽宮。五年正月改東京為東都。詔天下均田。三月車駕西巡。六年勅穿江南河自京口至餘杭。

八百餘里廣十餘丈。使可通龍舟。并置驛宮。欲東巡會稽。七年二月帝自江都行幸涿郡。壬午下詔討高麗。天下騷動。鄒平民王薄擁

衆據長白山。剽掠齊濟之郊。自稱知世郎。作毋向遼東浪死歌。以相

勸。避征役者多往歸之。八年四方兵至高麗平壤。凡一百一十

三萬三千八百人。車駕度遼高麗諸城各堅守不下。初九軍之度遼

也。凡三十萬五千人。及帝之還至遼東城。惟二千七百人。資儲器械

李淵 失亡蕩盡。九年四月帝以衛尉少卿李淵為弘化郡留守。關右十

三郡兵皆受征發。十年二月詔百僚議伐高麗。數日無敢言者。成

子詔復徵天下兵百道俱進。高麗亦自困弊。遣使乞降。帝乃班師還

西京。十一年正月增秘書省官百二十員。並以學士補之。十二年

正月詔以右驍衛將軍唐公李淵為大原留守。以王威高君雅為

之副。車駕至江都時。飢饉甚。民采樹皮葉或搗葉為末。煮而食之。諸

物皆盡。乃自相食。帝卒。遇弒於江都。

丁丑 大業十三年十一月改義寧元年。恭帝之立也。

恭帝 諱侑。元德太子招之子。煬帝孫也。封代王。煬帝幸命代王留守

長安。時年十三歲。晉陽留守唐公李淵兵起。王命諸將禦之。皆敗

走。十一月淵克長安。奉代王即皇帝位於天興殿。改大業十三年為

義寧元年。遙尊煬帝為太上皇。淵自長樂入長安。以淵假黃鉞使持

節。大都督。內外諸軍事。尚書令。大丞相。尋封唐王。以武德殿為丞相

府。立官屬。以裴寂為長史。劉文靜為司馬。淵子建成為唐世子。次子

世民為京兆尹。曰秦公。第三子元吉為齊公。誦。

魏公李密夏	涼李軌梁	蕭銑秦	薛舉定	楊可汗吳	李靖通	梁	梁	梁	都楚
據洛口	據涼州	據巴陵	據金城	劉武周	據江都	據朔方	朱粲		
永平元	丁丑元	安集元	天鳳元	秦興元	據馬邑	天興元	永隆元	稱帝	

大寅 義寧二年大業十四年也。正月煬帝留江都。見天下危亂。無心

北歸。乃命治丹陽宮。將徙都之時。江都糧盡。從駕驍果多關中

人。久客思鄉。里見帝無西意。多謀叛。歸司馬德戡。元禮裴虔通謀曰

驍果若亡不若與之俱去。以謀告宇文智及。智及曰。今天實喪隋。英

雄並起。同心叛者已數萬人。因行大事。此帝王之業也。德戡等然之

以宇文化及為主。德戡悉召驍果軍吏。諭以所為。皆曰。唯將軍命三

月丙辰天未明德戡授屢通兵以伐諸門衛士屢通自門將數百騎  
至成象殿德戡等引兵自玄武門入帝聞亂易服逃於西閣屢通與  
元禮進兵校尉令狐行達拔刀直進因扶帝下閣至寢殿屢通德戡  
等拔白刃侍立帝嘆曰我何罪至此賊黨馬文舉曰陛下違棄宗廟  
巡遊不息外勤征討內極奢淫使丁壯盡於矢刃女弱填於溝壑四  
民喪業盜賊蜂起專任佞諛飾非拒諫何謂無罪賊欲弑帝帝索鴆  
酒不許令狐行達縊殺之蕭后與宮人撤漆版為小棺殯於西院流  
珠堂化及自稱大丞相總百揆以皇后令立秦王浩為帝居別宮令  
發詔盡勅書而已字文化及唐武德二年死宇文志及與封德彝降  
於唐儼及隋恭帝詔以十郡益唐國仍以唐王為相國總百揆唐國  
置丞相以下官又加九錫唐王不受但改丞相府為相國府其九錫  
殊禮皆歸有司四月煬帝凶問至長安五月至東都留守官奉越王  
侗膝婦即帝位改元皇泰以王世充為左僕射總督內外諸軍事世  
充勢震內外皇泰主拱手而已世充本從煬帝在江都揚州李密亂  
煬帝遣世充將江淮勁卒赴東都助討密因留東都世充五月戊午  
隋恭帝禪位于唐王世充居代邸甲子唐王淵即皇帝位于太極殿大  
赦改元改郡為州改太守為刺史六月奉隋帝為鄰國公轉海陸  
詔曰近世以來時運遷革前代親族莫不誅夷興亡之效豈伊人力

其隋蔡王智積等子孫  
並付所司量才選用

右隋三主合三十七年天下混一歸于唐

### 釋氏稽古畧

雲間范景真子正寓  
四明張學文行可借  
姪景彝景範  
甥袁子寧陳德遠刊



